

二知軒詩續鈔

二知軒詩續鈔卷九

定遠方濬頤子箴

古今體詩一百四十六首

己巳十一月
至庚午四月

望雪用山谷次邢敦夫韻聯句

微雨不成霰

方子箴

廉纖時復止愆陽土膏竭

王謙齋

盼澤徧井里夏漲田破圩

箴

狂鯨躍海底此盈則彼絀

謙安得敏雲陞滕六館何處

箴

銀漢涸無水昨宵月生

毛謙

下階仰天喜侵晨益霹靂

箴

未覺化工異乾鵲向

簷噪

謙

意若含風刺皇穹閔災氓

箴

號寒曳短袂不雪

二麥枯

謙

羣生亦奚遂玉宇凍色凝

箴

遠山霽蒼翠林

疏風墜葉謙 鱗鯉冷入市三杯望眼穿箴 晝暝天欲睡

顛頊久司令謙 倏囁敢為崇快傾九斛塵箴 蛟龍且勿

寐禁體仿聚星謙 待映夜窗字箴

約謙齋游焦山未果用山谷贈送張叔和韻聯句

東僧芥航

頗思襍被枕江閣箴 圍爐一醉麴米春殘碑臥蘚共按

剔謙 莫重時彥輕古人國初諸老詩 碣半為苔蝕 俗哉未得離風塵

箴 夢寐枉與名山親伊蒲美過崑崙頊謙 栖雲合將蘿

薜紉千年古剎劫不到箴 西方變相韻厥真周鼎漢鼓

色斑駁謙 光怪足禁蛟龍呻昨者投詩訂游約箴 垣次 往焦

山子以詩集并和
謙齋句先寄芥菴

何當曠覽江天新青瑤錯落忽飛至
謙芥菴和子箴叔

平伯融及子詩四章
跨鶴待迓雲中君欲行難行得忍

且忍箴似空非空不默而默
龜鼈遁迹沙漲平謙烏鵲

無聲幡影直安心願乞菩提醫箴
慧燈散作雲霞輝南

臺跌坐出定時謙儻亦拈花目笑之箴

題楊小坡組榮鸚鵡媒傳奇聯句

瘦月枯林風瑟瑟謙天釀瓊巽寒意勒挑燈枯坐共沈

吟箴殘編太息才人筆淮水滁山好因果謙紅絲默繫

雙飛翼西域靈禽作蹇修箴優婆夷配優婆塞記得當

年製曲時謙兩行銀燭寫烏絲奇情拍碎紅牙板箴豪

與傾翻碧玉卮換羽移宮都絕妙謙崔廬獨數君年少

自從烽火起南天箴嗚咽吹笳不成調伯勞飛燕條分

離謙鍛羽噍音增怛悼九年炎海劇相思箴一抔黃土

今誰弔脫帽狂奴欲問天謙可堪一讀一潸然驂鸞已

向蓉城去箴賸有新詞被管絃謙

次蔣幼節節見贈詩韻

有客來敏門未見先投詩詩筆絕逋峭何子貞莫子愚

兩得師比年在吳會鼓櫂東西馳家弟謂子舊識君敝

帚曾貽之子聽以二知軒詩續鈔及古人宗派多門徑

難全窺青蓮不敢學服膺杜拾遺稍稍讀韓蘇思振懦

起衰苦心避平易冥想追崛崎依然落窠臼何時免寄
籬此癖已卅年動遭塵網羈邇者將挂冠散髮林泉嬉
嗜痴乃忘醜大放瓊琚詞於今風雅場流俗方詆訾閉
戶日唱誦小史挽告疲遑飛侶鴻鵠那顧羊亡歧置身
最高頂俯視培塿卑素交倒屣迎文字相琢劘崢嶸歲
云暮欲把長繩磨努力事千秋拙目徒見嗤恨無萬鍾
粟一飽江鷗飢

次韻漢卿題相馬圖

試看蹀躞步蘭皋引入天閑顧盼豪八尺昂藏有龍脊
九花旋繞是麟毛揮鞭足躡嘶風鐙縱轡腰橫切玉刀

底用摩抄辨銅式金臺獨聳五雲高

送玉谿還滬上卽次冬日書懷韻

蜀岡小住忽思歸難得溫暾雪未暉
明月二分空幻相
丹霞一片悟禪機靈巖洞裏游蹤杳
陽羨山中舊侶稀
海蜃青紅應見慣樓臺雖好故鄉非

娑娑長作地行仙說鬼蕉窗夜懶眠
劫後丹青娛老眼
閒中歲月聳吟肩幼安儘有臨池筆
遙集還餘拄杖錢
兩世論交情繾綣名山事業重談遷

畚幼節疊前韻

虛空有天籟是爲本色詩當年三百篇
里卷何所師風

動遂成聲列國輶軒馳歌謠足鑒戒管絃時被之於今
作詩者此義多未窺性靈蘊方寸矩範前人遺紛紛事
剽竊無性詩教衰泛海愁汪洋登崖怵巋崎半途輒中
止畫地編短籬拙鳩覲占巢駑馬甘就羈貧兒假冠履
不值供笑嬉之子獨振拔筆底芟浮詞再讀十年書儉
腹誰能瞽老夫久荒廢案牘形神疲默念曩閱歷徑途
歧又歧果然爭上游奚至格律卑真氣吐胸臆槎枒芒
刃劇放浪山水間逍遙脫拘縻塗澤匪不工徒令有識
嗤梅花香撲簷凍鶴渾忘飢

幼節來見與之論書因三疊前韻索和走筆作此

以報之

欲講執筆法請讀聞山詩

聞山先生有執筆歌

七傳乃至梁香光

果何師藏鋒向懷抱沈著不外馳用力大中指肘腕均

隨之厥圓象龍睛注目從旁窺紙管抉撮破

歌之末句云抉破紙

今撮破管

八法嗟靡遺後來趙吳興

謂季由太守

健筆能扶衰舉

以授先子平正無傾崎遂登顏柳堂洞澈開笏籬慙予

負弓冶頑劣逃縛羈過庭昔夢夢垂老塗雅嬉解后得

吾子樂聞規勸詞敬以家學告怪誕防人訾結構貴謹

嚴神凝志毋疲真書與草書截然判兩歧舍近而圖遠

求高恐逾卑非隸亦非楷良工加切劘端莊去跛倚奔

放歸繫縻研摹折釵股庶免薑牙噴饅頭巧作譬雖食

難療飢

用歐陽公評書語

次韻玉谿冬至日留別二首

老耽風雅邁時流倚權狂吟不肯休晚歲正宜舒短景
凍雲若爲鎖離愁願辭渤海鯨鯢窟來結江湖鷗鷺儔
一舸移家春日好果然皮裏有陽秋

祇應慙直荷天憐拜石何妨學米顛未必大千無淨土
須知方寸是良田塵寰擾攘醒如夢酒國逍遙醉卽仙
預約明年君送我竹西亭畔著歸鞭

龔幼節問畫四疊前韻

國初且勿論

四王吳惲之畫
子所藏皆真品

開篋紀以詩最古推僧繇

實爲青蚓師

子舊藏僧繇掃象圖今年復
得崔青蚓立軸筆法絕相似

五代房從真

挽底驂騑馳龍眠善白描詩社圖仿之

子有龍眠羅漢
卷復有明賢詩

社第二
圖卷

界畫李

嵩

與蕭

照

院本吾親窺

謂高宗
瑞應圖八幀來

長安儼若周郎遺

南宋院畫一冊
舊爲苕農所藏

回看貌丹幘天水何

曾衰

退菴宋元畫冊以
宣和御筆冠首

就中數李唐短幅林巒崎或寫

遊風船或繪沽酒離雄哉馬

遠

陳居中華神駿弗受羈

松雪摹聽琴直使梅花嬉舊爲匏菴藏新綴夢園詞葬

齋水仙卷精絕莫敢訾有倪惜無黃觀者已目疲靡文

及細沈派原南北歧天池品尤逸轉覺唐仇卑

明賢畫
子皆略

備天池四十
幅尤爲巨觀

昇山媛叟跋

香光昇山圖
媛叟有長跋

畫理深削劇得

此琳瑯珍焉可組綬縻覲縷未能畢信父笑且嗤不見
骨董家贖鼎猶充飢

次幼節邗上留別韻

吳趨數百里一水隔迢遙去踏榜伽翠還乘瓜步潮江
山揮健筆風雪送歸橈壓倒箏琶響清歌倚洞簫

冬至後二日玉谿舟中復用子匏字韻賦詩二章

留別子亦兩疊韻酬之

勾留不放邗江櫂贈答渾諧曲沃匏曉起濃陰遮屋角
夜來細雨灑檣梢龍宮玉屑何時釀羲御銅槃忽地敲

等是欲歸歸未得閉門那顧觸藩嚙

安宜客去停揮塵醉里人還罷酌匏

謙齋往寶應
翁生返嘉善

離緒

紛如千萬結寒香迸出兩三梢雄師壁壘摧鋒破

子近與幼

節唱和

不已顛叟船舫信脚敲

君自號
老頭

勞我爐灰終日撥孝

先便腹怕貽嘲

奮幼節鼓琴五疊前韻

我雖不知琴與子論琴詩妙寫七絃趣昌黎聽穎師昵
昵語甫畢變作勇士馳謂爲琵琶聲義海會辨之六一
本善彈琴德胡未鏡後人所附會指摘前賢遺義門何
學士深慨古樂衰想像落千丈迸指音嶄崎昭文既不

鼓寂寂淵明籬緬懷龜山操神往美里羈絃亦分君臣
危坐靜勿嬉俗工好撫弄那識薰風詞空桑久失傳到
眼凡桐警雷威采松雪琴名戴笠渾忘疲梅花斷絕古亂
髮牛毛歧玉徽品無上瑟瑟名已卑要須四善備百衲
精斲剜鞠通走自出肯令吐綬縻冲和正氣合南音殊
可嗤龍唇及鼻掌入耳解渴飢

送幼節還吳門六疊前韻

不能留子住聊吟送別詩願子手一編求之有餘師聞
人乃居吳逾冠才名馳大造普孕育栽者恒培之放開
眼界看慎勿以管窺空山美璞韞滄海明珠遺於今歎

橫流奔競道日衰奇氣不可遏五岳方寸崎挺然竹箭
生干雲奮穿籬俊鶻志九霄詎肯樊籠羈勉哉勗前修
精勤戒荒嬉端嚴廟堂帖微婉風人詞化其倔強態含
蓄無詢訾會逢匠石顧莫惜丹鉛疲堅定壹趨向掉頭
避紛歧服膺謙六爻尊人甘自卑投分羞貢諛義理相
剗刷置身箸作林弗爲世所縻席珍廣招延且任冬烘
曠此去滄浪亭洋洋歌樂飢

題幼節風雪歸舟圖

茫茫天塹凍雲凝亂舞銀虬膽氣增恨不偕君挂帆去

松寥閣上訪詩信

謂芥航

幼節以詩謝子復七疊前韻訓之

一雨阻游興

昨來書云欲一遊蜀岡始行夜雨達旦爲之悵然

未賦平山詩

躡蕪城邊抗懷歐少師昨得齊叟書畏寒岸上馳古刹

可度歲

玉谿不往滬上已入城廨與教寺

我舟姑舍之惜子將拏舟雪

景江天窺徘徊不忍別裁箋頻贈遺新締忘年交塵戰

雄勿衰重洋海道險五嶺山路崎願棄此雞肋歸種花

滿籬如子卓犖才焉能羈鎖羈偏起關關間獨於文字

嬉學詩甫二載搥筆成歌詞出門抱殘帙芒屨餐苜蓿

偷兒竊硯去研木手苦疲

來書云然

明年在何所悵惘愁臨

歧九伊始一簣誰道邱陵卑相子甯終窮韜晦自刻削

從來鶴鳴陰必占好爵
糜圖南快扶搖斥鷃毋相嗤持

以告脊令

謂子聽

蛩蛩念麴飢

東玉谿八疊前韻

我疑君入城爲賦消寒詩

聞漢卿新擬八十一寒題約同人分賦

誰知厭

塵鷲往參玉版師天公正釀雪油雲凝

去聲

不馳遠行計

本左老者宜安之叢叢萬佛樓病目殊難窺將毋學跌

坐冥心百慮遺君也顛自名肯令豪興衰避客閒畫篔

以手捫嶠崎

君有黃鶴山樵畫冊不輕示人

可惜陽羨居無人課縛籬

僂指及瓜代俗事莫我羈招君煮羊胛相與飽而嬉酒

酣吐胃臆都成絕妙詞真率屏雕飾放浪何足訾禪家

有臥佛亦苦津梁疲散者忽復聚垂白憂分歧既然宦
途拙甘處山林卑解脫大自在障錮全刮劇料君必深
悔幾日江步縻閩黎愛留客不顧燕雀嗤坡詩下轉語
一字能救飢

禽幼節倒疊前韻

搦管償字債過午不知飢

子曉起爲
人書楹帖

僕持一函至使我

疑且嗤疑子趁晴霽放溜舟難縻嗤子太苦吟奮力中
邊刷足敵齊楚邦非復曹檜卑告我去游山行行達郊
歧惜子未能借豈真鬻腳疲仲秋志修復厚醪商賈豈
同黃見
前漢書 人事有變遷補柳空摘詞挑戰揮奇兵忽作倒

好嬉我勇尙堪賈

頃復入壘前韻東玉谿

子才真不羈湖水聞

淤兩岸皆荒籬朔風捲雲幕凸露崑岡崎抵掌話樓觀
昔盛今胡衰傳觴醉荷花盛蹟歐陽遺終日不出門猶
如坐井窺載歌偈仄行少陵將何之詰朝便解纜南望
神爲馳秋豪靡所藏竊願涪翁師明年儻相見再試他
題詩

次韻玉谿小住興教寺遺懷二首

除卻吟哦何所事藏身人海興悠哉莫耽淨土談禪樂
須趁晴窗鬪韻來肥上詩朋游壁社

謂謙齋

閩中詞客返

蘇臺

謂幼節

賴君伴我消岑宗醉嚼冰壺賭撥灰

過嶺匆匆又一年衲衣待著五通仙迂拘耐可抽簪隱
澹泊慙非負鼎賢但論公私無德怨不驚寵辱況憎憐
傲寒都有峻嶒骨最喜天花六出妍

興教寺懷古疊前韻

此地舊傳康樂宅司空別墅竝雄哉

謂天寧寺

才人未許東

林入佛子要從西土來一自戰爭成蟻穴依然壯麗屹
蜂臺何當徧訪南朝寺閒與樵夫話劫灰

象教重興至正年

明危太僕有記

輝煌丹碧禮金仙高僧力學

推如祖

僧名

尊者繙經仰覺賢豎指常爲龍衆說覆身慣

得鴿王憐長松細草皆無恙怪底瓊花久不妍

蕃釐觀在寺之

北

次玉谿寺居感懷韻

云何不戰有金痍

用東野詩意

好乞醜醜灌溉之

君方患疥欲作

探驪劉禹錫居然如虎狄虎彌香山結社稱禪伯洞水

尋源問導師參透機關通慧業張弓架箭亦奚爲

掉臂游行無罣礙冥心入定自恬疑要知俗諦非真諦

除卻中乘是上乘覺路頓開靈鷲嶺道場多遇啞羊僧

脫離火宅清涼甚破櫃寧勞說廢興

題何伯瑜

昆玉

樂石齋印橐

漢法上參摹印篆博古更能通螭扁一枝鐵筆無與倫

浙派新從嶺南行番禺陳叟

謂蘭甫

指授高衷中儻有昆

吾刀徐官印史竟堪續

君新拓吉金齋古銅印譜以貽朋好

斑斕不許燈

光石豪

題何潤如

瑗玉伯瑜之弟

墨梅長卷

休論繁蕊與疏枝挽底空靈自出奇煮石宗風傳澹墨

君藏有元章真迹

天然清氣撲須眉

合共難兄二妙稱滿豪便已與飛騰披圖欲踐衝寒約

踏碎紅橋月半殘

題海雲和尚種蕉學書圖

嗚呼古有零陵種紙菴今有廣陵不波舫素師法受鄔

兵曹飛鳥驚蛇隨意倣海公得毋師再世也闢幽居綠
天榜扇仙功用敵楮生衣鉢相傳畫禪兩精勤突過徐
伯珍竹箭簪葉非其倫伯珍兼以竹箬學書安吳已死延陵老吳
之受筆法於慎伯先生海雲則得筆法於讓之者也留住菩提身外身觀雲妙悟
追藏眞覆鹿笑它塵世人烽火十年無淨土囊書遠泛
湖心艣差喜有徒傳法乳謂靜濤天苴重向琳宮補幾時
去踏鐵門限一看臨池揮墨雨

次韻家伯雄前輩寒食一首

連日苦寒不能耐亟思命酒醺爐會梅花已染十八灘
櫻指明朝三九屆預歌寒食有寄託似比借春更貪猶

惡龍舊俗始太原門雞古風徧江介莫云曹瞞令太苛
漢宮早聞傳蠟代此時欲雪不雪天冷甯難溫禁煙饗
老農皸瘃齊負暄巷口也將寒具賣呵凍忽然憶冷節
手把偏提興豪邁無緣再分白打錢看人飛墜吾力微
諸君鼓勇與寒戲同人分賦
八十一題汨汨詞瀾吐滂沛來年踏
青儻未歸扶疏獨倚東坡檜羲和揚鞭上冰嶠惆悵風
爲膝六害

題史偉堂

杰

觀察思補圖

圖凡十一首幅畫君五十七歲小像復綜生平
涉歷險危之境分爲十圖一曰游濠葛墜二曰

西江代險三日閩洋過警四日破浪遄歸五日
瑞洪鑿覆六日籌巖被溺七日飛礮穿牀八日
敵舟舍命九日武林受困十日京口風潮每圖
皆自爲記

吁嗟乎四厄於兵六厄於水君遭十險身不死投簪嘯
傲蕪城裏五十七年一樓指蛟龍不敢攖童子與叟易
坐善心起礮火光中片帆駛危絕渡黃浮一葦白頭攜
女獲栖止瑞洪得生天佑爾黃鼎之役幾殆矣剝牀之
災竟能弭入鯨鯢穴虎尾履視死如歸甌番鬼縋城而
下勇莫比累卵幾傾戰船底化險爲夷愁變喜君曰吾

過恒自詆問君補過果何以道岸分明有涯涘佩韋竊
願依乎此泉壑逍遙忘仕已笑看蘭芽茁階屺不才波
浪餘生耳予於辛亥之秋覆舟曲江亦曾繪波浪餘生圖與世浮沈殊可恥振
柁亟向沙頭艤展卷知君厚根抵生於憂患忠信恃豪
傑胸襟聖賢理俾彌爾性膺茂祉太保後人洮湖史

題張石朋德堅大令審疾圖

伊古秦越人治病見五藏隨俗爲變非一醫後來誰與
盧氏抗亦有太倉公脰脈知死生菑川唐里禁方授國
工乃傳天下名於今海內多庸醫坐致少壯成衰羸蜀
諺揶揄說人費有疾不審奚醫爲素問靈樞君熟讀攬

取二豎牀下伏能於此道三折肱堪爲乾坤普亭育嗟
予病液久不瘥紛紛壘塊填胃多欲療此疾須大藥安
得前腸滌胃渣滓盡去益然還太和離塵遁迹山之阿
持以問君君謂何

又題石朋酬筆圖

從無食肉管城子此語涪翁不我欺把酒焚香殊韻絕
傲它馬上棄毛錐

題吳春海

鴻恩

同年瀛海朝宗圖

海上歸來展孝思

君家由關之龍巖遷蜀
今乞假航海至關脩墓

我我鐵柱好

風儀此行喝破鯨鯢膽倒挽狂瀾學退之

羨君跋涉到龍川
賤子披圖一惘然
安得買舟渡江去
齊雲嶺上策吟鞭

子祖籍休寧近日族人來請脩墓竟不能往

除夕聯句用東坡三首韻

饋歲

客遊逢歲除人幕忝賓佐

叔平

宜城去年夜錦囊門珍

貨子箴去年除夕在贈遺絕風雅洛花如盤大

叔寶米

蕭唐花盛開媵之瓊島雪牡丹與玉林逋乃思臥箴

村表兄謂遠

老饕憶鄉味餅餌芬四座叔天公巧作合共轉團團磨

箴往再周一星駒隙倏已過叔明當遣奚奴走索老顛

和箴玉谿謂

別歲

乘除爭此宵，惟盼刻漏遲。叔焚香奠酒盞，島佛相與追。

箴天機妙不停，來往浩無涯。叔倘非判甲子，焉有歸宿。

時箴秉燭開華筵，筍嫩芹芽肥。叔暫別旋復聚，底用臨。

政悲。箴小住亦自佳，匆匆莫遽辭。叔寒梅透春氣，那覺。

醜顏衰。箴

守歲

禽星遞轉移，樓指馬代蛇。叔今迅若蚪水箭，萬手難。

要遮。箴增年縱可喜，其如去日何。叔笑它杜陵老也學。

呼盧誶。箴雞鳴夜嚮晨，賀客門漫過。叔東瀛海濤順雁。

字來橫斜

箴

是夕

人生重晚節矢志毋蹉此

叔行行

打灰堆如願明年誇

箴

次韻玉谿除夕興教寺海公招食伊蒲饌作

我媿葫蘆畫依樣

予與叔平用東坡韻聯句

弗及琴僧欸齊丈

海文僧善

鼓招提今夜大自在齋魚粥鼓十方養兩肩忽作山字

撐胸羅禪味詩思萌皈依玉版脫塵垢世界腥羶嘲衆

生富貴眼前拋不得

子齋中牡丹大放

賓主陶然樂終夕四圍

紅燭豔花光偈仄蝸廬感疇昔

去年除夕廬皖城

胡爲歌聲雜

梵音萬佛證此清淨心闍仙酒脯尙嫌俗傲它對月推

敲吟高蹤可侶竹林七風雅到君能事畢任憑門外打

包忙那管天邊流矢疾行將歸去栽松篁古人獨慕陶
柴桑與君戀戀不忍別提壺一醉平山堂

玉谿見和除夕聯句詩三首疊韻以報

君文何爽邁足抗鄭子佐白頭擅三絕不出抱奇貨吳
趨脫迤邐放浪天宇大書畫灰燼餘烟雲日對臥昨從
申浦來勇挾水上座莫嫌鳩借巢

君先厲書局數月

等是蟻寄

磨拏舟復登岸忽忽殘臘過禪房吟興豪隔歲互廢和
先公說君孝恨我相見遲手澤悉校刊家學窮摹追顏
柳窺門牆韓蘇得津涯六法參王蒙潑墨神來時爲言
讀書處蕉窗綠意肥而今委榛莽躑躅空含悲示我還

山園不願鄉里辭陽羨且歸耕筋力奚曾衰
度嶺至邗江本如畫足蛇九月黃茅瘴忽把青天遮窮
通本前定底須問詹何三冬築壇坵銜枚靜不譁嗚于
天籟鳴羞效漁陽搥寒宵共刻燭伸紙塗欵斜歸歟遂
初服隴畝邊蹉跎長作田家詩儲王堪並誇

唐花三疊前韻

我不解化工反假人力佐非時能使花珍異賺泉貨

牡丹

一花值千錢

譬彼富貴家起於窮措大胚胎土窖內儼若牛

衣臥侵尋雪封門驀地香滿座臘前綻蓓蕾開及日耗
磨翻嫌穀雨天霞綺瞥眼過先春足稱王芬郁冠百和

必待膏澤潤凭闌悵淹遲恠哉用火攻温暉羲馭追一
冬僅飛霰氣暝邗江涯對花屏狐貉猶如莫春時水仙
笑鼠姑在環讓汝肥請參米汁佛煩惱化慈悲不須費
裁翦封姨爲我辭幻成花世界有盛原無衰

挑燈賞重樓神王驅睡蛇悟出不生生義闡菴提遮離
宮啟橐籥東皇奈爾何勝它洛陽市蝶鬧蜂喧譁妙術
傳馬塍奚勞羯鼓搗絳桃爲減色穠豔殊狹斜一花應
一候惜花太蹉跎歲朝娛老眼擊節相驚誇

三疊東坡韻書子箴離使唐花詩後

許奉恩

牡丹衆花王衆花牡丹佐年年洛陽市花農出環
貨去冬最暄喚雪無三尺大山意早衝寒越起袁
安臥不用春風吹天香俟盈座瓣瓣燦若綺朵朵
圓於磨賓客紛賀歲寶米齋中過乘興鏘瓊琚曲
高彌寡和

主人工賦物割錦儕邱遲惟肖復惟妙古調髯蘇
追詞源湧萬斛疇測岸與涯凡卉各按候榮悴無
愆期得氣或不同土地判礪肥此花開頃刻客心
喜不悲人巧奪造化勞貫且莫辭存詩作故實干
秋誦勿衰

賤子慙學步握手空靈蛇看花老眼指雲霧豁
遮刻燭強聯吟遑問夜如何一客屏息坐旁觀靜
勿譁謂程步雲尋春訂後約寶馬珊鞭拋穠豔
芳艸幾道裙裾斜眷懷豐臺藥去去毋蹉跎將入都謁選唐
宮事固奇天工尤可誇

人日大雪有憶

春前四日義和忙

正月初五日立春

火輪高碾迎東皇入春滕

六忽鼓輿招邀箕伯呼雲將金烏匿影眠扶桑冰子夜

敲更漏長農夫準備見三白何必占驗依東方

東方朔謂歲後

八日皆宜晴

靈辰玉戲天公倡多情來助梅花妝清暉閣上

學上舞

唐景龍三年人日清暉閣登高過雪上令學士遞起舞

瓊瑤一色迷毬場

蒼龍卻讓銀龍翔漫空冷沁詩人腸焦山有客去訪鶴

謂遠村

選韻重門尖又強

遠村曾八疊東坡尖又韻

歲杪王五

謂謙齋歸

草堂遙知對雪喜欲狂風如與我伴岑寂翻疑六出增
寒香

穀日喜晴

去年臘雪苦未足春初補降豐年玉潛消蝻患滋來牟
預卜有秋農受福瓊瑤七寸堆晶瑩雲端瞥見新月橫
寒衾似水夢不穩得無天上仍飛翼快哉一雪便開霽
青天掃盡纖塵翳起看鴟吻射晨光遙想鱗原暢生意

分明有脚陽春來還堪挑菜雷塘隈今年穀熟兆此月
圍爐卯飲傾凍醅

爲潘季玉

會璋

題漢竟甯雁足鐙拓本

巧制爭傳上林苑

雁足鐙始於宣帝上林苑中

徵君怪底說蒲阪

照樊

榭歌有蒲阪首山青逶迤之句覃溪金石記攷正其誤

五十五字原分明好事山

僧翻剔損

釋達受剔盤圖記以考工爲寺工莫子惲友芝斥爲非是

七龍五鳳蟠金

枝照耀西京全盛時涪翁三足出新意

黃山谷與党伯舟書欲作三雁

足錫更覺玉荷光陸離

玉谿以予將有嶺南之役賦詩贈行卽次韻留別

雪消江岸草迷離三入炎荒爲荔枝蕭寺與君分袂後

聖湖待我卸帆時

聞君將作浙游子亦擬歸途取道武林

孤行一意原無

礙不朽千秋定可期補向西樵觀瀑布天然摩詰畫中

詩

寄謙齋

殘臘渡江去君歸慰倚闥可知邗上客新得嶺南書

夕

子嚴書來

越子度嶺樂事家園足勞生夢幻如迢遙四千里跋涉

渺愁余

人日天花舞遺園景若何共誰吟石鼎只合挂龍梭舊

雨平梁少名山皖口多

君將之安慶

徑乘番舶駛

子擬附輪船至九江

不得訪行窩

抽簪將北返擊楫又南征春老劉王塢人來陸賈城菊

坡攜榼上蒲澗踏莎行便擬過鈴峽聯牀有弟兄

謂子嚴

一卷新詩出

去冬聯句詩已刊成

寥寥覓賞音馬嘶羈鼻脫魚避

釣竿沈傲睨狂奴態消磨壯士心涼秋箏笛浦高唱萬

蟬瘖

留別叔平疊前韻

播精鼓箠學支離破帽籠頭筆一枝注目楸枰殘劫裏

驚心袍笏散場時紅橋載酒嗟陳迹浮渡探幽訂後期

說鬼談禪消歲月才名不獨錦囊詩

君箏有里乘一書

次翁生見寄詩韻

客冬詩壇壯旗鼓脫略形骸曾膈吐可堪燕市散晨星
難得邗江聯舊雨豪放未除名士習悲歌不作兒女語
本來歧路多亡羊莫漫兩端如首鼠昌黎終許見蘅嶽
太白有時夢天姥須知塞翁甘失馬羞學馮婦再逐虎
寒宵絮絮怕言別蛩壓相憐吾與汝待從梅銷關外回
還約白公堤上聚子擬歸途作
西泠之遊晚涼正好偏提攜野性
懶爲長衷舞挂帆乘興到嘉禾共把鴛湖權歌補從今
歸隱臥林壑小築吟窩環藥圃請看大地皆網羅雉集
山梁色斯舉

正月二十五日渡江口號

引得蛟龍笑我孱
臍枝搖過半江灣
匆匆鐵甕城邊去
孤負金焦兩點山

宿高資鎮偶作

短短麥苗如薺綠
荒郊春氣猶未足
青山都覺含笑容
問客胡不來扶筇
斜日趁虛人未散
輿夫倦休手揮汗
有僧告我朝補佗
羨彼遊行商諾迦

曉行

遙空挂殘月
廣野噓峭風
晨光正熹微
四面雲氣籠
行達荒村迴
看上曠隴
炊煙出茅屋
曉雞啼未終

卽景

雁聲嘹唳動詩懷
路近龍潭列嶂排
霜葉早春猶未落
絳綃留伴翠松欒

柬何子貞前輩

自從判襖曲紅水

君於癸亥游粵

八載重逢白下門
珠玉千篇

開祕鑰

蒙惠東洲艸堂詩鈔

江湖一舸醉清樽

君由皖入吳過此小住

高懷

絕俗湘中老皓首
窮經海內尊

君自言去年久病其庖丁爲求龍神籤得皓首

窮經尚有時之句遂霍然愈未幾而英西林宮保延修安徽通志

媿我迢迢還度嶺
秋

風早晚脫籠樊

獨坐有感

忽忽逾十日問客何所事
不仕不隱間自顧難位置
強

逐冠蓋忙動胎口腹累歸來一展卷膏騰便思睡勞生
墮塵俗泉壑縈寤寐快哉逍遙遊願宗漆園吏

宿句容聞人談寶華山之勝輒賦一詩

雲根幻成嘯天龍昂頭俯瞰于萬峰江流如帶束不住
蜿蜒直上摩蒼穹開山者誰釋寶誌至今人說南朝寺

古稀天子六駐蹕特賁

宸章輝佛地

純廟南巡
六登此山建

御
碑亭

吁嗟粵寇何披猖建業久作征戰場雨花臺空擲

山禿此間賴有金剛王聳秀華陽洞天外惹得波斯詔

靈怪休與銅山一例看

句容亦有銅山
前代曾開礦云

輦路嗟我重禪

界

紀途中鳥聲

荒郊一片春聲起入耳先聞叫天子厥音細碎如秋蟲
不在艸間在雲裏行行竹樹紛離披對客亂啼山畫眉
陂塘野鳧寂無語浴水見人拍翅飛忽然搖出嘔啞臄
漠漠何曾到煙渚清唳低穿料峭風北雁遲歸戀南土
鶯鶯燕燕猶未來問訊幾時柳眼開好春將半悵行役
離情兀繫瞻園梅

前夕小巖
方伯招飲

丹陽懷子健

十一年前君抗節我來城郭尙蕭條雁行吳會愁中斷

庚戌子過吳中與弟
小聚別後遂不相見

鷓首湘江賦大招

庚申子在楚南
舟中聞弟凶耗

柏蔭軒名那堪榛棘滿竹林可奈雪霜凋

仲父於去年十月棄養

阿竟夕狂飈吼寒擁孤衾正寂寥

舟次陵口鎮聯句

昔年偕北征

子箴

初與故鄉別五載滯上京

子聽

全家

赴百粵從戎竟投筆

箴憑軾空括舌未躍東海波

移南楚轍久離忽重聚

箴壺觴醉烟月

去年曾兩至維揚

朋交

集如雲

聽宦味冷於雪

一絲傀儡牽

箴萬態炎涼閱微

禽感變化

聽驂駟嘲跛鼈

間關再度嶺

箴首塗秣陵發

梅花笑勞人

聽棣鄂慰孤子

子抵金陵弟亦自吳中先至

淹留動逾

旬

箴

流光易飄瞥秦淮澗難泛

聽瀟湘景試說

謂畫

髓宋元窺

箴 家小東刺史藏書甚富往觀竟日

墨綠漢晉結

魏剛己司馬出金石

拓本見脈內有專文一冊甚精

偷閒聯古歡

枯坐諦禪悅

謂昨在金陵厲甘露

卷 壁行避溯滂

箴 山逕穿帆嶠句曲仙蹤遙

聽 雲陽馬

躡輟

至丹陽登舟

偏仄纔容刀

箴

偃僂儼負繼有時轉鹿盧

聽

自分守驚拙廿里且至晡

箴

一水汨復瀉往事談蕭

梁

聽 墓道峩石闕蔓延荆棘荒

箴

錯落星斗缺宮體摘

春華

聽

霸圖震武烈河干徒彳亍

箴

角聲正悲切捫碑

惜無暇

聽

敲韻詎肯歇韶山有嗣音

箴

曩在韶州偕容方及弟聯句終

夜不寐

廣陵萃詞傑

去冬兄與梅餘謙齋諸君唱和

懶攻五言城

聽

勤炙

三寸轄得失由雞蟲

箴

追隨侔駟厯浩蕩江湖寬

聽 清

高埃搯越補作崧臺遊箴喜鑿端溪澈茲役良亦佳聽

乞憐吾不屑九龍明日登箴雙鷓好風掣去去莫遲回

聽坦夷平號桅箴

舟至常州天已曛黑不得入城追念昔遊漫成三

截句示子聽

趙家臺榭冠毘陵廿一年前蠟屐曾聞說烽烟餘瓦礫

輸它佛界有金繩天寧寺尙未全荒

步入肆樓尋茗飲興來出郭醉青帘膏騰又向花天去

狂客居然不速占

新秋病暑泊河干篷底殷勤爲染翰庚戌七月過此與莊衛生前輩盤桓

竟夕次日病暑未行
衛生來舟中爲書扁
太息漆園真化蝶
衛生下世春宵
已數年
剪燭話淒酸

登小金山

二月十五日

澱澱蓉湖水空明環翠樓
劫餘新畚築春半小勾留
泥印銷陳迹嵐光豁遠眸
九龍交臂失歸櫂再探幽

二月十九日何子永

慎修

前輩同年招飲大醉次

日復偕同鄉汪幹臣

應森

觀察劉蔚卿

文榮

太

守王蘭士

恩晉

吳子和

燮元

兩司馬迮琴溪

常

五 刺史汪耕餘

福安

董勉齋

廷策

張履橋

景良

三明府公餞於安徽會館之洽隱園賦此奉教

吳趨奉母嬾朝天鳳閣回頭已卅年

道光辛丑
借考中書

絕學虛

心窺底蘊雄談撫掌徹中邊轉輸信有無窮利

君總司
釐局

栖遁還多未了緣告我行藏皆定數

君善相人亦
精子平之學

寒亭

適軸望如仙

謂陳
壽卿

返樞蕭山憶太常

謂湯敏齋
世丈同年

釀腴分得越樽香

君以敏
齋所贈

夾酒餉容蓋
酒之重釀者

韋弦至竟宜雙佩冰炭奚爲共一腸剖判

歧途能適適消除俗態不狂狂獨醒未可甘隨衆且復

膏騰入醉鄉

忠烈祠西好臺榭梅花如雪柳生芽諸君座上簪裾滿

孤客天南道路賒怪石嵌巉成嶂岫古藤夭矯若龍蛇

商量池上須空濶莫使奇峰被屋遮

無暇尋春拙政園雲林亂後萬獅蹲冶芳寂寞懸蟾魄
寒碧淒迷舞蝶魂此日墜歡何處覓當年舊侶幾人存
冥鴻待逐秋風至排日重開北海樽

顧子山

文彬

潘季玉

會璋

汪秉齋

錫珪

三君招飲

我來禾中客已行

謂詹生

且喜邠老重合并久聞長康富

收弄邇者戀闕將北征汪倫舊與阿連謂子健熟惻愴不

見水部兄

謂鑑齋同年

祇爲看花留一日送抱推襟談笑密

長安酒人今寥寥記否天街踏殘月金盃到手休放空

可奈明朝挂帆疾

順風揚帆不得遊惠山

倏爾蓉湖過，曹騰午睡中。
無緣雙蠟屐，好趁一颿風。
柁尾春波活，嶠南客思忽。
竹爐餘想像，去去悵孤篷。

昨在吳門幼節投詩未遇舟中次韻寄懷卽題安

蹇劣齋圖

殘冬邗上遽言別，我方閉門日望雪。
高齋願以蹇劣名，儀狀俊偉才秀發。
會看公卿爭倒屣，那至江湖終浪迹。
我非昌黎君籍湜，門險矜奇箋屢疊。
相期努力事千秋，抑鬱牢騷都不說。
小屈出來必大伸，百巧何加安一拙。
古人尚論自得師，後生開卷皆有益。
闔閭城中困冠蓋。

欲合仍離劇愁絕云胡役役四千里耐寒久不因人熱
東洲暖叟君問字實於此道肱三折青溪溪上支短筇
古味盎然氣突兀告我入吳將久住正可周旋親研席
莫春獨泛炎海濤涼秋偕賞紅橋月知君蓬廬富華藻
手握少陵金粟尺

北來大舸奴子云是暖叟之舟匆匆不得一見爲

賦二十八字

打碑知己上焦山雲外翩如野鶴聞笑我勞勞無定所
又隨燕子度梅關

三月初三夜登火輪船初五日抵九江作

京江至湓浦滂湃一千里我乘杭州船

火輪船名

才行兩日

耳不須帆挂檣儼若車就軌坎離旣濟占天塹去何駛
惟烈足制懦中流宛平砥昨朝過建業今晨逾皖水嗟
峩江上山厯厯皆可指小孤倏在望注目色爲喜南游
昔未經亂後樓閣起俄焉睹彭郎又達柴桑里側聞波
斯胡雲錦歎觀止蓮花洞口屋風雅顧乃爾翳余尙飄
泊險夷慎所履再踏廬山陰迂迴避彭蠡

爲人題畫松橫幅

昨乘番舶過柴桑太息淵明徑已荒貌得虬龍懸素壁
夜來春雨足甘棠

湖名

九江弔故人二首

張益川明府

煙水亭邊客重來，悵惘深一編。
傳楚尾，雙艇泛湖心。
飛舄登仙去，挑燈感舊吟。
世情翻覆甚，寥落幾朋簪。

鄭雲舫 夢玉 明府

狂寇龍川過，無慙薦剡書。
得真同塞馬，殃乃及池魚。
嶺君扶病衝寒我，傲廬前年臘月過九江訪君竟以病不能見蕭條身後

事天道竟何如

山行雜詩

四過廬山陰，不見真面目。
崖嶠互天半，溼雲滃岩腹。
笑

它癡且頑戀戀胡不出慙爲蒼狗變願作懶龍伏漫空
捲颺輪至竟渺歸宿

東林寺已墟歸然一塔存山中好蘭若大半埋荆榛空
王亦罹劫土偶何能靈盤陀獨無恙保此清淨身虎狼
任奔竄萬古常嶙峋

封姨門豪奢碎剪黃金纈頓令春色富罕與菜花埒化
工如畫工嫩綠雨膏椒東皇妙渲染淺深痕自別疑眸
看不足丹青悟真訣

匠匪欲迷路迴環都有情不橫復入壑左繚旋右縈最
後松徑穿風來起濤聲匡廬匹五岳遂掩羣山名競秀

匪獨秀爾雅宮霍稱

途中口占

春山野杜鵑長不及數寸開時豔於火離披草間澗兒
童插滿頭豚豚花有恨

小朵菜菔花白英微帶紫復有鋪地錦厥狀洛陽似興
夫告我名收入詩囊裏

旅店夜坐聽蛙戲作

荒村四圍鳴閣閣竟夕喧闐忘寂寞旅人無暇問官私
但覺此聲殊不惡陂塘水比井底寬一唱百和音中樂
爾輩么麼似有知知我閉門獨歌琴故將繁響亂如雨

引得淵淵金石作休云白出賦形蠢也復宮商口咀嚼
爲徐孟卿觀察題瀛壖雪騎圖

王家口賊冰上竄輕騎力追斃無算議築環濠濠過半
奪巢而出鳥獸散

見君自記

滕六來助天威悍玉龍搖尾甲

光燦叱撥嘶風流血汗萬匹騰驤瀛海畔中有薇耶適
王粲衣短後衣氣浩瀚攬轡長驅戎幕冠仰睇彤雲碧
空幔富莊以北寇蹤斷連鎮廓清賞非濫馮官屯水三
槽灌維王忠勇平大難

謂僧

書生磨盾軍旅贊五馬酬

庸爭駢駢陰霾洞豁日星爛持節鬼方歌癯癯願學少
游乘欵段驛駟竟爾脫羈絆迴思大雪深没骭羽書絡

繹交河岸一十五年泥爪換

圖作於丙辰冬日

功成輒動撫髀

歎駑駘久矣不如人白戰差能策疲僂雄哉放筆爲直

幹

君自記洋洋數千言不解而及於古

春夜披圖成壯觀

次徐聖秋

衡

見贈集杜十六韻

高門仰東海伯仲才傑出棣華曩同登

君之先人與孟卿令伯同舉甲

辰順天鄉試

宗匠咸賞激子能讀父書龜勉奮駒隙獨於吟

詠耽古豔錦囊撫繩武信無媿詞林重先達

謂令祖廉峰先生

匪僅一藝鳴將爲萬人敵百衲善選材浣花夙傾折須

知少陵叟歌哭雄氣魄是有真性情驪珠儻探得一空

所依傍勇哉堪拔戟末學講聲調華藻外塗澤但襲古

人貌幾會中格律惜予去南武明發挂帆席甫聯紀羣
交一見投雅什名駒振花髮雖鳳張采臆蓬瀛咫尺耳
奚云塵境隔

道出章江興蕭蕭泉

後贈

同年作三日之聚別後

卻寄

君去隴西我入粵與君一十三年別百花洲上柳初齊
度嶺重來合叩屢衰頽自歎成老夫握手驚看氣蓬勃
滇池構兵阻劍南騏驎偶然遭一蹶君年未艾况豐下
君今年指願朝天建旌節海內心交餘幾人三更絮絮
四十九挑燈說勞生拙宦終何裨此行甘作鷁退飛破觚爲圓

甚非計不如歸耕肥水滑君曰子且姑遲遲老氏守黑
兼守雌窮通有命難自主而今而後皆坦夷濡墨我愛
評君詩我所欲言君言之感君慰勉增子媿聊復舉觴
同一醉昔時長安兩少年豪情日縱花前鬢身無仙骨
離蓬萊清班狼許蘭臺厠強項本與世鑿枘媿要怕逐
風塵吏浮雲變態吁可怕頭腦冬烘笑吾輩相期立脚
莫隨俗瞬息堅持方寸地無已閉門學徐禪孟卿於主
靜之功深
有所荔枝飽啖拏舟回與君再見章江隈碧筒倒持象
鼻杯劉家學圃柴門開養素別業
在東湖側幕天席地眞快哉講
堂三子煩寄語謂胡研蓀會
秋帆俞采臣早秋蠟屐相追陪打頭風

急行迂徊長繩緩緩牽船桅竟日纔達生米渡新詩羨
爾妝臺催聞君於十九日納頡頏皮陸追王裴報章火
速投瓊瑰姬人故戲及之

龍鳳洲望月

蟾魄多情甚飛來伴寂寥今宵泊沙渚令我憶紅橋千
里清輝共三更別思饒不眠愁夢短明夜舉杯邀

卽景

金花潭上水濺濺翠嶽磯頭山名樹色鮮忽雨忽晴江
景好莫春已似熟梅天

三月十七日舟中卽事

鏗鞀噲吟擾客眠舟人破曉一帆懸漫空噴雨雲皆溼
逆水翻風浪不圓危險故應防順境浮沈隨在有深淵
高歌能息飛廉怒漢口地名波平夜放船

紀程

昨日小廬山下過石泉得雨飛瀑多今朝泛泛玉溪曲
高樹千章蘸新綠三十六澗春漲添鞞紋細縐風色恬
漢晉以來駐仙躅恨不停橈訪巖谷

峽江至文江書所見

水曲山環處終朝挽牽

去聲

行雨添新漲溜雲豁遠峰

明息競觀流水揮豪快晚晴篷窗多韻事鐵筆又丁丁

友人程步雲芳伴子度
日在舟中鑄象牙印章

讀樊榭山房集自注云明季廣陵包壯行製燈有
名號包燈因憶前在鞆芬室觀燈劇主人云包
松溪太守所製爲補作二截句

想見蕪城全盛時七龍五鳳共爭奇而今留得包家樣
亂舞春星入酒卮

金吾不禁自年年照澈霓裳幾隊仙帝里風光猶鬢
主人情重做離筵

吉安夜泊

已見雙浮圖羌乃滌東岸欲訪文山居水漲不得纜青

原與香城靈傑此爲冠斗野標勝區萬古振衰頽梅林
渡何寬蒼蒼晚煙暗避溜日西墜隔江星火燦亂後易
畚築居然復輪奐重勞冠蓋至解后占盍攢廬陵明府
陳梅孫汝
楨都中舊
相識也

舟中遣興兼懷華樵雲

塵世無如作客閒推篷日日喜看山江橫截嶼三峰外
香城山三
峰筆立春老扶疏萬綠間聞說有人辭粟里揭來先
我度梅關相期去訪西樵勝且莫乘潮到荔灣

泰和

卅里行過午微風浪不騰樹深徐噪鵲天迥健盤鷹未

了公家事難將快閣登

翻用山谷詩意

堂堂春欲去江上暝如

蒸

閔舟子

昨過牛頭灘船唇巧施牽今茲上洲角南風又撲面行
行卻引回瀾漫怒瀆淀所幸淺可揭曾無滅頂患狎波
若鷗鳧利涉憑一線翼以青竹篙兩舟勇爭先躡蹻不
能進奔湍急於箭艱哉卯至未十里程尙欠我從篷背
看閔爾殊困頓招手呼艖郎且就跼前

地名飯

宿窯頭作

箕伯夜歸波浪眠錯落銀礫鋪滿天星光照水如白晝

兩岸喧闐蛙鼓奏碧翁於我何齟齬要令散髮嬉江湖
逍遙隨在皆詩境二十年間三度嶺

贈樟

願汝江村裏年年綠蔭濃底誇材勝櫟但祝壽如榕斲
或非梁棟災先及斧鋸翻風徒磊落感慨少陵胸

萬安道中寫望

兩日顛風狂似虎今朝少女故徐徐天然好景詩中畫
江淺坐牀人釣魚救心無數小木牀坐以垂竿
詢之長年云乃釣魚臺也

三月二十五日舟行距萬安十里遇大風雨雷雹

紀事

風從南吹雲北來長虹中互雷車推步雲見之心知俄頃有

天變我舟甫橫沙岸隈霹靂轟然拋硬雨蒼虬怒挾馮

夷舞篙工狂呼婦孺唬性命危哉懸一縷瞥見前舟柁

桅折我舟人人皆駭絕老夫閉窗默坐了不知忠信自

矢或者險化夷我友謂步雲招我亟籲天焚香肅拜方寸

虔冰子忽擊權師仆傾盆倒瀉帆檣邊吁嗟乎相江之

難曾不死波浪餘生廿年矣陸行原可徑達梅銷關胡

為登舟改計頓爾貽憂患舉舟共幸邀天福箕伯斂威

一何速瓜皮艇子載我童僕回愁聞長年三老葬魚腹

謂邱姓嗚呼此劫非尋常是日覆舟數十岸上屋宇為

所掀亦歷斃三十餘人

颺母直同嶺外強痛定思痛神彷徨明日捨舟決登岸
灘水暴漲尤難防

舟泊萬安兩日作陸行計詩以排悶

泛舸圖安便倉黃避危險兩舟壞其一茲難實幸免溯
滂十八灘避之陟岡巘春郊農事忙山縣役夫解欲行
不得行勞生遇何蹇作書告家人使知出岫窻風雷吟
故豪眠食此身善澆愁那須酒歌詠舒百感儻荷天公
憐亟驅雲幔卷趁晴到虔州八境恣眺眴

山行雜詩

縱然登頓亦忘艱樹色蒼茫擁黛鬢不管溼雲千片黑

徑拋孤艇去看山

萬峰凹裏蘆帆橋最喜山鄉界水鄉
一雨野塘浮乳鴨
半坡芳草戲羣羊

愛他刺水綠鍼勻辛苦農功課晚春
不笠不蓑天氣好
畦邊都是插秧人

幾家水閣築綿灘借少朱櫺與碧欄
隔岸山容真淡冶
風塵欲索解人難

夾道松樟儼圖畫透池高下綠陰繁
此間樂土分明記
大廖村連小廖村

彼岸欣登卓口南更尋卓逕肆幽探

卓口卓逕
皆地名

重岡複

嶺通花陽

阜逕多種
桃梅梨李

十里香風過客酣

白沙隄墟至五雲橋書所見

頗恠虔州山如何色皆赭迴思阜逕幽毋乃自鄙下烏
兜地名強一飯登輿坐且眠驚聞市聲譁縱目神怡然

巖巒四面披中央豁清曠人家傍沙溪棟宇屹相望引
泉秧水足坳處皆開腴山蔬易充庖河魚肥可饗從茲
漸坦夷載歌周道砥那知地脈張全涌不能已纔如虎
豹踞倏化龍蛇蟠峰峰互迴抱一綫羊腸寬將合乃故
離甫縱偏卽束分明無路通螺旋僅容足扶輿磅礴氣
突兀撐乾坤以之固南紀有若萬馬奔兩日行山中未

會出山外方思與天游斗室詎云隘

贛州喜晤潘梅溪

國珍

並令子小溪

之駿

司馬

九載炎荒住論交肺腑親服君真長者媿我是勞人迢

遞孤征客婆婆自在身承歡能養志鴻按況如賓

君今年六

十有七夫
婦齊眉

意外重相見雙江正泊船不才甘宦拙此老得天全舊

雨情殊戀浮雲看已穿東湖偕踏月且莫故鄉旋

約君
秋初

相見於
章門

冒雨至南康戲作

不躋章貢臺不登望闕亭忽忽一宿雙江濱詰朝便欲

離城闔義和頓轡書若暝先生休矣驟雨零曷不過我

酣玉瓶

文輔卿觀察方欲留飲

行李載塗今且別炎州風物歸來

說倘再傾盆恐蹉跌赤沙滲入翻融結陟岡下阪等平

地雲車罷馳風馬歇於虜屏翳奈我何雨中一日三渡

河南埜到時弗逾酉旭嶺支笻呼負負晨越沙坳午潭

口向晚李家山下走昔年游迹所未經眼界拓開神抖

擻

與夫曾春榮告子云弟兄三人昔年皆從軍蒙大

帥錄其戰功長兄游陞都司次兄亦授把總先

後陣亡春榮則以九江之役擢守備我師下金

陵日隸大營充親兵隊長旋以病歸囊中貲揮
霍一空家唯老母不得不自食其力儕於役夫
聞之慨然爲賦一詩

百戰身猶在千金散不來室中慈母泣地下阿兄哀蝸
角虛名鬪羊頭傑出材何如種瓜者抱甕樂悠哉

輿中偶成

披衣出郭趁朝霞樓指征途百里賒山徑輭風飛蛺蝶
水田新雨叫蝦蟆綠花村舍濃陰樹香罨溪橋碎雪花
半日詐晴天忽暗青龍墟畔溼雲遮

甫抵南安大風雨有作

曉發青龍墟掉尾飄廉纓逡巡飯黃龍

亦墟名

空際油雲

黏橫浦廿里隔天公莫我淹時雨復時止出峽浮圖瞻

剛過朝天橋斗覺風力尖千條挂銀竹萬絲垂水簾舊

巢幸不遠

朱大順行辛亥秋曾住十日

入門意所欣使君

謂陳毅齋大令

向

我說醞膏沛閭閻今春苦未足此雨方溼霑奔流下天

柱半篙章水添民樂商旅通一雨兩善兼山行況如期

迅矣六日詹

自萬安至南安行六日

獨恨上灘舟直同上竿

鮎

不知何日方至

水車謠

激水灌田農夫利之過流築埧行旅慕之是名曲防春

秋所禁言毀厥輪曷爲已甚太守曰嘻

謂姚秩軒體份

奈我民

何溝洫無水將廢耕耨矧茲橫江一瀉千里蓄之乃停
不然涸矣我父我母軫念田功惠我黎庶感我元戎其
流湯湯其聲軋軋天降甘霖轉輸勿竭二百四十水車之數
以逸代勞傲它龍骨上桔下棹

四月初五日度嶺

有緣再到梅花國我與青山舊相識今日山容忽然變
絮帽籠頭分不出蓬蓬訝如釜上蒸雲脚繫住雲根疑
蟻旋螺轉達九層關外迓客來山僧相公風度垂千古
司馬鳩工新棟宇看出樓築廿年前曲檻迴廊還待補

前年冬予度嶺作歌示黃印山太守謀修曲江祠嵇雪
莊司馬慨然任其事已於去臘落成惟東偏山樓尚無
畚築

昨者悽惻黃公壚尺書未報慙病夫印山以擢觀
之賁於正月在贛州下世去冬尚留春室南安衙齋裏感陳

有書致予以乞假未及作禽印山所署裏感陳
迹補青亭畔亭在梅關北空長吁孤蹤落落誰爲偶雨氣催

人下坡走凝眸忽睹蒼髯叟南枝北枝無汝久謂新路口大松

天涯得此歲寒友屏翳亦知行路難遲遲候我離巖巒

峻坂已過方濛濛珠璣古巷一回首突兀又露山之巔

種玉亭 亭在南雄州署西園其下爲荷池宋章

公德象所手植數百年來自生自長不假人工

誠仙品也

三才圖會卷之七
春分前栽花出葉春分後栽葉掩花種花人貴識花性
年年歲歲期無差靈根種自賢人手人與此花皆不朽
南中竟有水芝仙漫誇玉井如船藕四過凌江今始知
歸舟正好及花時主人謂王芝庭刺史遲我凝香館在亭西飽看
冰華絕世姿

修仁水

流水嘉名錫天然判正斜正階斜階動中參靜理江海豈無

涯

江行感興

曉發修仁水日午過斜階迤邐彭屋村綠樹高下排記

吟紅葉詩祖孫兄弟偕茲行掉孤舟勞生焉有涯青山
我故人對之消旅懷

逆流一何艱順流一何駛盪槩至灣頭已逾二百里溼
雲鬱未散蟲語淒入耳忽念東坡言勝敗皆可喜江邊
信天翁作侶吾與爾

舟至韶州得子嚴肇慶書

向曉芙蓉山下泊書來招我訪星巖亦知傲俗難爲用
能話歸農故不凡空濶鵝潭先打槩迂回羚羊再張帆
勞君多買嘉魚膾花鴨紅雲未解饑

半月秦淮負好春匆匆會返江濱如何破浪乘風客

又作拖泥帶水人

先由京江增輪船至九江迨舟抵縱萬安因遇暴風登陸輒冒雨而行

目雲山開異境放懷歌嘯得天真寄聲曩日詞壇友

謂恢

垣子

一室推敲倍有神

泊黃洞口書事

韶州至英德二百七十里扁舟一日到利濟我心喜月
輪升正高浸入白雲裏須臾灑艤霖清涼睡鄉美侵晨
尙酣臥滇陽峽已過披衣啟篷窗風雨江有波甫出大
廟峽怒吼如蛟鼉遲其跋扈威震盪驚黃婆命僕止櫂
師相顧呀然笑告官曰順風頽首仍撥櫂我胸轆轤轉
入耳絕悍慄大呼速維舟人莫與天拗前月萬安險王

僕幸得生我友

謂步雲

遂不眠瞪目對短檠日難與官違

姑向沙岸撐飯罷倚柁看風殺浪稍平衆皆欲開頭曉

曉再三請尼之竟不能方寸強堅忍豈知越橫石

地名

橫吹力更猛招手告長年安危在俄頃勢須折而北打

頭何洶洶鐵貓誰敢移狂飈下撞春倒流數百丈舟子

咸征徂無已用水牽

去聲

戴笠還駕舳剛乃克以柔急則

受之緩蹶跚卻且前委蛇深就淺相持至日晡風伯意

漸嬾牽船投港汊微縐綠漪輒卽此悟處境憂喜原互

乘茫茫萬人海平地猶戰兢瞬息造次間窺疏防不勝

夫唯靜制動古訓時服膺

過清遠峽

惹得山人怪底忙，停橈福地好徜徉。
一天細雨雲如漬，路滑愁登帶玉堂。

四世聯吟古寺中

予前年冬過此首倡一詩芟塘退齋兩弟燕昭孫皆有和作 記曾

豔說海東紅而今，凝碧灣頭望董巨，猶難敵化工。

清遠道中寫望

滙江之水清且漣，中流放櫂心曠然。
盤盤老榕綠遮屋，短短女桑青滿田。
日輪欲下雲罨住，雨絲將斷風吹連。
回頭悵惘負仙境，未得一聽淙碧泉。

舟中漫詠

長懸雲幔掩雙丸無數青山霧裏看四月披綿忘過嶺
江風江雨不勝寒

三水口號

卅六江邊望奔騰滙眾流今年西漲小難放石門舟

西水

大時由三水之西南汎小河道
經石門抵廣州可近六十里

翦江趁風行順逆無不可怕看渡船帆欹斜若將墮

小塘

距三水四十里

小塘南去兩沙洲羨煞西洲上有樓綠柳紅桃栽四面
胥江齊作冶春遊

題樂初將軍芝隱室詩集

去年邗江逐旌節巴曲何能誦白雪杯盤草草不成醉

雨聲滴碎紅橋月今年于戛天南陲有緣先讀度嶺詩

公去年度嶺題張文獻祠
七律一首已勒石嵌壁 維舟珠海目爲眩陸離彪炳

全豹窺曾攜彩筆題黃鶴旋倚苴蘭弔莊躑閒居芟竹

吟未久重寄榆關嚴鎖鑰通侯家世才絕倫文經武緯

貫一身上追高岑下蘇陸興之所到無古人阿連珍弄

茗溪冊爲乞鴻篇表先周芸舉年丈爲先大夫所

弟處辱公題眼中睥睨空羣奴公在京師與子嚴倡落

詠藉以不朽
落書堂羅四柏公書堂名卽看勛業垂炎荒恬波永息鯨鯢

壯鯁生開卷便傾倒征南叔子堪頡頏集首古詩十三章其末篇抗襄

羊杜公之抱
負可知矣

寄趙幼白 長庚

章江別後泛端溪會枉詩筒到竹西

前年冬晤君於章江舟次去年蒙寄

詩揚州碌碌未報

此去掄才逢玉尺本來刮膜有金錐

兩猶子受業於

君涓陽乍接春風座

宣見三先生爲君舅氏子今年延課耀孫

嶺外重尋爪

印泥預祝分香蟾窟裏扶搖直上廣寒梯

君將北上應京兆試

子隅和子寄子巖二首韻因疊韻以報

勞勞尙插塵中脚未許幽栖傍碧巖

擬厲鄭仙祠不果

除是鳶

魚任飛躍漫同雞犬溷仙凡危坡雨滑須停轡曠野雲

騰便落帆一事讓君雄大戶貪吟卻比酒杯饒

南武三遊二十春良朋遲我瀝湖濱
名山著作終傳世
宦海浮沈最誤人不爲尊鱸
心始淡相看蕉鹿夢皆眞
愛蓮亭長增子羨
默坐青氍守谷神
聞恢垣以居
憂不作詩

哭林熙臣表弟

邗江爲我放舟回
尺素頻勞雁帶來
君去冬至袁浦擊
舟來看于中途復

兩奇 欲比蘇程傳
偶語不徒范
卍 李 穉
擅兼才驚心飛

絮三春半
君二月卒
於京師 瞥眼曇華一
現纔愛說游仙今果

遂翩然騎鶴返蓬萊
君愛于游仙詩
去年屬書一冊

太息浮生水上漚
無端毒霧掩重樓
君以喉疾
竟不起 魂招南

海孤蹤杳
兩作
粵游 腸斷西河老淚流
謂海洲
姑丈 錦帳風儀虛

想像紅橋月色迴含愁

去年住揚州最久

白頭更抱延陵痛

昨得

揚州書吳蓮芬同年亦於三月下世年七十有二

塵世紛紛等贅疣

哭吳蓮芬

文錫同年

感君珍重問歸期判袂誰知永別離同譜卅年重聚首
遂初二老況齊眉舞衫歌裏春明夢石棧天梯蜀道詩
海上倉黃傳噩耗雨聲迸入旅懷悲

鍾雲卿

謙鈞

都轉招飲過西園有感

四桐手植俄蒼蒼依然瘦碧搖風篁惜哉卍字果生蠹
擊雨翠蓋何時張

蓮葉無出水者

曩者未署延月榭此日題襟

又如借不知許事且銜盃人世百年皆傳舍

樂初將軍招飲復次韻枉贈予亦疊前韻以報

我公下交甘折節仙才能點紅爐雪酣歌拓戟學少陵
恨未天街偕踏月菖蒲難尋幽澗陞菊坡屢到無好詩
側聞西軒鑿池沼暇日可許園林窺麤甍莫是羊公鶴
澗處雞羣空踈躑形骸脫略肺腑親夜漏渾忘下魚鱗
座中二客殊邁倫松筠其性圭璧身九科伊誰抗萬石
名篇宇內圖征人謂馮辰雲
李稚和漫須拮拾兔園冊一片靈
機謝塗澤韓潮蘇海勢浩瀚遠滌昆崙近桐柏故鄉惆
悵三徑荒倒屣鈴閣容疏狂鴟鷂扇羽入霄漢俯看籬
鷓迎風頡